



N°6753  
Entrée le 01.09.2022  
Déclarée recevable  
Président de la Chambre des Députés  
(s.) Fernand Etgen  
Luxembourg, le 01.09.2022

Fernand ETGEN  
President vun der  
Chamber vun den Deputéierten  
19, um Krautmaart  
L-1728 Lëtzebuerg

Lëtzebuerg, den 01/09/2022

**Här President,**

**Sou wéi den Artikel 80 vun eisem Chambersreglement et virgesäit, bieden ech Iech, dës parlamentaresch Fro un d'Ministesch fir Justiz widerzeleeden.**

Mam Gesetz vum 4ten Dezember 1990 iwwert d'Organisatioun vun den Dierwiechter an dem ofgeännerte Reglement vum 24ten Januar 1991, ginn d'Präisser, déi Dierwiechter dierfe froen, festgehalten. Mir goufe verschidden Ofrechnunge vun Dierwiechter virgeluecht, déi honnerten Euro héisch waren. Alleng fir den "reçu à l'étude" an d' "coûts de l'act" goufen an engem Fall 514€ verrechent - woubäi d'Schold selwer awer nëmmen 165€ héisch war. Dës Rechnunge sinn natierlech schwéier ze bezuelen, fir déi Leit, déi scho kee Geld méi hunn, fir déi Rechnungen ze bezuelen, déi agedriwwen ginn.

An deem Zesammenhang wéilt ech der Ministesch dës Froe stellen:

1. Mussen d'Dierwiechter hir Bilane publizéieren?
2. Wéi vill verdéngen Dierwiechter an der Moyenne an engem Joer?
3. Ass d'Ministesch der Meenung, dass d'Montanten, déi am ofgeännerte Réglement vun 1991 festgehaale sinn, ubruecht sinn?
4. Ass virgesinn dës Montanten no ënnen ze revidéieren?
5. Ass de Benefice vun de Bureau d'études vun den Dierwiechter limitéiert?  
Wann net, wat sinn d'Moyennen u Benefice pro Joer vun de Bureau d'études vun den Dierwiechter?

Mat déiwem Respekt,



[www.piraten.lu](http://www.piraten.lu)



GOERGEN Marc

Député



[www.piraten.lu](http://www.piraten.lu)



**Äntwert vun der Madamm Sam Tanson, Ministerin fir d'Justiz, op d'parlamentaresch Fro n°6753  
vum 1. September 2022 vum honorablen Deputéierten Här Marc GOERGEN**

- 1) Nee, d'Dierwiechter musse keng Bilane publizéieren.
- 2) De Justizministère huet dës Informatioun net.
- 3) Jo. Dës Montanten remuneréieren d'Prestatioune vun den Dierwiechter.
- 4) Nee, et ass net virgesinn, d'Montanten no ënnen ze revidéieren. Wéi am Punkt 3 präziséiert, remuneréieren déi Montanten d'Aarbecht vun den Dierwiechter.
- 5) Ech verstinn d'Fro sou, datt mat „Bureau d'études“, d'Etuden vun den Dierwiechter gemengt sinn. D'Dierwiechter si Fräiberuffler. D'Montanten, déi si fir verschidde Prestatioune kënnen froen, sinn am ofgeännerte Reglement vum 24ten Januar 1991 festgehalten. Hire Verdéngscht ass awer net vum Gesetz oder Reglement limitéiert. Wat d'„Moyennen u Benefice pro Joer“ ugeet, do gött op de Punkt 2 verweisen.

Lëtzebuerg, den 5 Oktober 2022.

D' Justizministesch

(s.) Sam Tanson